

ხელშეკრულება
სახელმწიფო შესყიდვის შესახებ N09.01/30/

ხელშეკრულების პირობების საბოლოო ვარიანტი შეიძლება დაზუსტდეს და დაიხვეწოს ტენდერში გამარჯვებულ პრეტენდენტთან ხელშეკრულების გაფორმების პროცესში.

ქ. თბილისი

----- 2018 წელი

1. ხელშეკრულების დამდები მხარეები

ერთის მხრივ, ქალაქ თბილისის მუნიციპალიტეტის მერია (შემდგომში – „შემსყიდველი“), წარმოდგენილი ---- სახით და მეორეს მხრივ, ----- (შემდგომში „მიმწოდებელი“), წარმოდგენილი-----სახით, საქართველოში მოქმედი კანონმდებლობის შესაბამისად და მათი გათვალისწინებით, შეთანხმდნენ სახელმწიფო შესყიდვის შესახებ ხელშეკრულების პირობებზე და სახელმწიფო შესყიდვის შესახებ ხელშეკრულების დადების თაობაზე.

**2. ხელშეკრულების (შესყიდვის) ობიექტი, შესყიდვის საშუალება,
ხელშეკრულების ღირებულება და ხელშეკრულების მოქმედების ვადა**

- 2.1 ხელშეკრულების (შესყიდვის) ობიექტია: ქალაქ თბილისის მუნიციპალიტეტის მერიის საწყობების ვიდეო-სამეთვალყურეო სისტემებით აღჭურვის მიზნით ვიდეო-სათვალთვალო კამერების (თანმდევი მომსახურებით - მონტაჟი, პროგრამული უზრუნველყოფა და კონფიგურაცია) სახელმწიფო შესყიდვა.
- 2.2 შესყიდვის საშუალება - ელექტრონული ტენდერი (აუციონის გარეშე), განცხადების ნომერი:
- 2.3 ხელშეკრულების საერთო ღირებულება შეადგენს ----- ლარს, ყველა ხარჯისა და გადასახადის ჩათვლით.
- 2.4 კლასიფიკატორის კოდი - **35125300 - ვიდეოთვალთვალის კამერები; 35125000 - სათვალთვალო სისტემები.**
- 2.5 ხელშეკრულება ძალაშია ხელშეკრულების გაფორმებიდან ----- ჩათვლით.
- 2.6 ხელშეკრულებით გათვალისწინებული მუხლები რომლებიც ეხება საგარანტიო ვადას, ძალაშია საგარანტიო ვადის პერიოდში.

3. მომსახურების გაწევის პირობები, ვადა და ადგილი

- 3.1 შესყიდვის ობიექტის (თანმდევი მომსახურებით - მონტაჟი, შესაბამისი პროგრამული უზრუნველყოფა და კონფიგურაცია) მიწოდების ვადა: ხელშეკრულების გაფორმებიდან არაუგვიანეს 60 (სამოცი) კალენდარული დღე.
- 3.2 შესყიდვის ობიექტის (თანმდევი მომსახურებით - მონტაჟი, პროგრამული უზრუნველყოფა და კონფიგურაცია) მიწოდების ადგილი:
- 3.2.1 ვაშლიჯვარი (ქ. თბილისი, არყაზან დიმიტრი ემეხვარის ქუჩა, მე-2 შესახვევი N6. ს/კ:0110,10,09,004, <https://goo.gl/maps/fCWRZFHo1g92>);
- 3.2.2 ფონიჭალა (ქ. თბილისი, ფონიჭალის დასახლება, ს/კ:01,18,13,039,028, <https://goo.gl/maps/SzasX9WkTB92>);
- 3.2.3 ლილო (ქ. თბილისი, კახეთის გზატკეცილი N49, ს/კ:01,19,15,005,022, <https://goo.gl/maps/biHqukAN91B>);
- 3.2.4 დამპალო (ქ. თბილისი, თვალჭრელიძის ქ. N17, ს/კ:01,19,18,001,019, <https://goo.gl/maps/EFdgKWT9mDv>);
- 3.2.5 ვაკე (ქ. თბილისი, თამარაშვილის შესახვევი N15, ს/კ:01,14,07,008,003; <https://goo.gl/maps/1akXZw5jhq62>);
- 3.2.6 ელბაქიძე (ქ. თბილისი, რესპუბლიკის მოედნის მიწისქვეშა კომპლექსი, ს/კ:01,15,04,002,001; <https://goo.gl/maps/fXa3jgK1oGH2>).
- 3.3 კამერები ვიდეო-არქივაციას უნდა ახდენდნენ ქსელის მეშვეობით შემსყიდველის მიერ მოშორებით განთავსებულ სერვერულ აპარატურაზე და მეხსიერებაზე, წინასწარ გაწერილი გეგმის მიხედვით 24 საათის განმავლობაში.
- 3.3 მიმწოდებელმა უნდა წარმოადგინოს შესაბამისი პროგრამული უზრუნველყოფა, რომელსაც უნდა შეეძლოს მოთხოვნილი რაოდენობის კამერების ჩაწერა ერთ სერვერზე, თითოეული კამერიდან მაქსიმალურ რეზოლუციაზე არანაკლებ 15კ/წმ-ით. პროგრამულ უზრუნველყოფას უნდა გააჩნდეს კლიენტ-სერვერული სტრუქტურა. მოწოდებულ უნდა იქნას როგორც სერვერული მხარე ისე არანაკლებ ოთხი კლიენტის სამუშაო ადგილის მხარდაჭერის მქონე აპლიკაცია (ლიცენზირების საჭიროების შემთხვევაში შესაბამისი ლიცენზიებით) პროგრამული უზრუნველყოფის კლიენტის მხარე გამართულად უნდა ფუნქციონირებდეს Microsoft Windows 10 ოპერაციულ სისტემის გარემოში. სერვერულ მხარეს უნდა გააჩნდეს Vmware-ის პლატფორმაზე ფუნქციონირების საშუალება. პროგრამულ უზრუნველყოფას უნდა გააჩნდეს H.265 კომპრესიის ვიდეონაკადის ჩაწერის მხარდაჭერა. შემოთავაზებული ვიდეო კამერები და პროგრამული უზრუნველყოფა უნდა იყოს ერთი მწარმოებლის.
- 3.4 კლიენტის პროგრამულ უზრუნველყოფას უნდა გააჩნდეს ვიდეო კედლის მხარდაჭერა და 4 მონიტორზე გადანაწილების შესაძლებლობით.
- 3.5 შემოთავაზებული პროგრამული უზრუნველყოფა და ლიცენზია/ლიცენზიები არ უნდა იყოს დემო ვერსია და უნდა გააჩნდეს განახლებების მხარდაჭერა არანაკლებ 1 წლის. ლიცენზიის/ლიცენზიების ვადის გასვლის შემდეგ პროგრამული უზრუნველყოფის და კამერების ფუნქციონირება არ უნდა გაითიშოს ან შეიზღუდოს, აგრეთვე ლიცენზია/ლიცენზიები უნდა გადაეცეს შემსყიდველს და დაინსტალირდეს შემსყიდველის მიერ წარმოდგენილ კომპიუტერულ ტექნიკაზე.
- 3.6 დაშორებული წვდომა უნდა ხორციელდებოდეს შემოთავაზებული პროგრამული უზრუნველყოფით, ე.წ. ცენტრალიზებული სამართავი პროგრამით, რომლითაც შესაძლებელი უნდა იყოს როგორც ჩანაწერების ნახვა და ვიდეო ფაილების ექსპორტი, ასევე მიმდინარე გამოსახულების ყურება.
- 3.7 მიმწოდებელმა უნდა მოახდინოს IP კამერების და სისტემის შესაბამისი კონფიგურაცია, რომელმაც უნდა უზრუნველყოს როგორც მიმდინარე გამოსახულების, ასევე ვიდეო არქივზე დაშორებული წვდომა.

- 3.8 მიმწოდებელმა საკუთარი ხარჯებით და ძალებით უნდა მოახდინოს ავტონომიური კვების უზრუნველყოფა, რომელიც საკმარისი იქნება კამერის (მაქს. სიმძლავრეზე ჩართული ინფრაწითელი განათების პირობებში) და ქსელური მოწყობილობების არანაკლებ 1 საათიანი უწყვეტი მუშაობის უზრუნველსაყოფად. შემოთავაზებული უწყვეტი კვების წყარო უნდა განთავსდეს შემოთავაზებულ კარადაში.
- 3.9 მონტაჟის დროს გამოყენებული კაბელების გაყვანა უნდა განხორციელდეს გარე გამოყენების ქსელური კაბელის Cat5E FTP მეშვეობით.
- 3.10 მიმწოდებელმა უნდა უზრუნველყოს საკომუნიკაციო გარე გამოყენების კარადის (კარადების) მოწყობა დაცვის კლასით არანაკლებ IP65; კარადებში ქსელური კაბელის შეყვანის ადგილას უნდა იქნას გამოყენებული შესაბამისი მომჭერი. შემოთავაზებულ კარადა უნდა გააჩნდეს გასაღებიანი საკეტი.
- 3.11 მიმწოდებელმა უნდა განახორციელოს სამონტაჟო ობიექტზე არსებული ინტერნეტ პროვაიდერთან კამერების სისტემების ინტეგრაცია.
- 3.12 კამერების ელ. კვება მიწოდებულ უნდა იქნას POE ტიპის ტექნოლოგიის მეშვეობით (შემოთავაზებული ქსელური კომპუტატორებისა და საჭიროების შემთხვევაში გამოყენებული SFP მოდულების ფუნქციონირების ზედა ტემპერატურული ზღვარი უნდა იყოს არანაკლებ 40°C–ზე).
- 3.13 ტექნიკური ხარვეზის შემთხვევაში მიმწოდებელი ვალდებულია აღმოფხვრას ხარვეზი 48 საათში.
- 3.14 მიმწოდებელი პასუხისმგებელია სისტემის გამართულ ფუნქციონირებაზე საგარანტიო პერიოდის განმავლობაში.

4. გასაწევი მომსახურების ხარისხი და გარანტია

- 4.1 მიმწოდებელი იღებს ვალდებულებას, რომ მიწოდებული ობიექტის ხარისხი უპასუხებს ხელშეკრულებით გათვალისწინებულ პირობებს და დააკმაყოფილებს შემსყიდველის მოთხოვნებს.
- 4.2 შესყიდვის ობიექტის საგარანტიო ვადა უნდა შეადგენდეს მიღება-ჩაბარების აქტის გაფორმებიდან ----- წელს.
- 4.3 მიმწოდებელი პასუხისმგებელია სისტემის გამართულ ფუნქციონირებაზე საგარანტიო პერიოდის განმავლობაში.
- 4.4 მოწოდებული საქონელი უნდა იყოს ახალი და უნაკლო.
- 4.5 შესყიდვის ობიექტის მიერ გამოვლენილი წუნის/ხარვეზის/დეფექტის შემთხვევაში, მიმწოდებელი ვალდებულია შემსყიდველის დავალებიდან არაუგვიანეს 48 (ორმოცდარვა) საათში შეაკეთოს ან შეცვალოს ახლით წუნდებული/ხარვეზის ან დეფექტის მქონე საქონელი.
- 4.6 წუნის/ხარვეზის/დეფექტის მქონე საქონლის შეკეთების ან შეცვლის შემთხვევაში საქონლის ტრანსპორტირება უნდა უზრუნველყოს მიმწოდებელმა.

5. ხელშეკრულების შესრულების კონტროლი (ინსპექტირება)

- 5.1 შემსყიდველს ან მის წარმომადგენლებს უფლება აქვთ განახორციელონ ტექნიკური კონტროლი ან/და შეამოწმონ გაწეული მომსახურება, რათა დარწმუნდნენ მათ შესაბამისობაში კონტრაქტით გათვალისწინებულ ტექნიკურ პირობებთან.
- 5.2 მიმწოდებელი ვალდებულია საკუთარი რესურსებით უზრუნველყოს ხელშეკრულების პირობების შესრულების კონტროლის (ინსპექტირების) განხორციელებისათვის აუცილებელი პერსონალისა და ტექნიკური საშუალებების გამოყოფა, ასევე უზრუნველყოს საჭირო სამუშაო პირობები. იმ შემთხვევაში, თუ შემსყიდველი ორგანიზაცია ხელშეკრულების პირობების შესრულების კონტროლის მიზნით გამოიყენებს საკუთარ ან მოწვეულ პერსონალს, მის შრომის ანაზღაურებას უზრუნველყოფს თვითონ შემსყიდველი ორგანიზაცია.
- 5.3 მიმწოდებელი ვალდებულია საკუთარი ხარჯებით უზრუნველყოს კონტროლის (ინსპექტირების) შედეგად გამოვლენილი ყველა დეფექტის ან ნაკლის აღმოფხვრა და წუნდებით გაწეული მომსახურების ხელახალი შესრულება.
- 5.4 მიმწოდებლის მიერ ხელშეკრულებით ნაკისრი ვალდებულებების შესრულების კონტროლს შემსყიდველის მხრიდან განახორციელებენ ქალაქ თბილისის მუნიციპალიტეტის მერიის უსაფრთხოების საქალაქო სამსახურის პირველადი სტრუქტურული ერთეულის ხელმძღვანელი (საქალაქო სამსახურის უფროსი) ან/და ქალაქ თბილისის მუნიციპალიტეტის მერიის უსაფრთხოების საქალაქო სამსახურის თანამშრომლები.

6. შესყიდვის ობიექტის მიღება-ჩაბარების წესი

- 6.1 შესყიდვის ობიექტის მიღება-ჩაბარება განხორციელდება, შემსყიდველისა და მიმწოდებლის უფლებამოსილი წარმომადგენლების მიერ მიღება-ჩაბარების აქტის გაფორმებით.
- 6.2 შემსყიდველის მხრიდან მიღება-ჩაბარების აქტის გაფორმებაზე უფლებამოსილ პირს წარმოადგეს ქალაქ თბილისის მუნიციპალიტეტის მერიის უსაფრთხოების საქალაქო სამსახურის პირველადი სტრუქტურული ერთეულის ხელმძღვანელი (საქალაქო სამსახურის უფროსი).

7. ანგარიშსწორება და ანგარიშსწორების ვალუტა

- 7.1 ანგარიშსწორება მოხდება უნაღდო ანგარიშსწორებით ლარში.
- 7.2 ანგარიშსწორება განხორციელდება 2018 წლის ბიუჯეტის სახსრებით, ფაქტიურად მიწოდებული შესყიდვის ობიექტის შემდეგ, საბოლოო მიღება-ჩაბარების აქტის გაფორმებიდან 10 სამუშაო დღის განმავლობაში.
- 7.3 იმ შემთხვევაში, თუ ამ ხელშეკრულების მე-13 მუხლით გათვალისწინებული წესით საჯარიმო სანქციის გამოყენებასთან დაკავშირებით შეტყობინებიდან 10 (ათი) კალენდარულ დღეში მიმწოდებლის მიერ არ იქნა წარმოდგენილი საჯარიმო სანქციით დაკისრებული თანხის გადახდის დამადასტურებელი დოკუმენტი, შემსყიდველი

ვალდებულია მიღება-ჩაბარების აქტით განსაზღვრული მიწოდებული შესყიდვის ობიექტის (მიწოდებული სათადარიგო ნაწილის ან/და გაწეული მომსახურების) ღირებულების ანაზღაურებისას, ხელშეკრულების პირობების დარღვევის გამო საჯარიმო სანქციით დაკისრებული თანხა შემსყიდველის მიერ დაქვითულ იქნეს, რის შემდეგაც მიმწოდებელს ჩაერიცხება დარჩენილი თანხა.

7.4 წინასწარი ანგარიშსწორება (ავანსი) არ გამოიყენება.

8. ხელშეკრულების პირობების შეუსრულებლობა **(საჯარიმო სანქციები, ფორმა, ოდენობა და გადახდის ვადები)**

8.1 ფორს-მაჟორული პირობების გარდა, ხელშეკრულების დამდები მხარეების მიერ ხელშეკრულების პირობების შეუსრულებლობისა ან/და დაგვიანებით შესრულების შემთხვევაში გამოიყენება საჯარიმო სანქციები.

8.2 ხელშეკრულებით ნაკისრი ვალდებულებების შეუსრულებლობის ან არაჯეროვნად შესრულების (გარდა შესრულების ვადის დარღვევისა) შემთხვევაში მიმწოდებელს დაეკისრება ჯარიმის გადახდა ყოველ ჯერზე ხელშეკრულების ღირებულების 0,2%-ის ოდენობით.

8.3 ხელშეკრულებით ნაკისრი ვალდებულებების შესრულების ვადის გადაცილებისათვის მიმწოდებელს დაეკისრება პირგასამტეხლოს გადახდა ყოველ ვადაგადაცილებულ დღეზე ხელშეკრულების ღირებულების 0.1 %-ის ოდენობით.

8.4 ხელშეკრულების შეწყვეტის შემთხვევაში, მიმწოდებელს დაეკისრება ჯარიმა ხელშეკრულების საერთო ღირებულების 5%-ის ოდენობით.

8.5 საჯარიმო სანქციით დაკისრებული თანხა გადახდილ უნდა იქნას მხარისთვის აღნიშნულის თაობაზე გადაწყვეტილების (წერილი ჯარიმის დაკისრების თაობაზე) გაცნობიდან არაუგვიანეს 10 (ათი) კალენდარული დღის ვადაში.

8.6 თუ შემსყიდველი არ ასრულებს წინამდებარე ხელშეკრულების მე-7 მუხლის 7.2 პუნქტის მოთხოვნებს, მიმწოდებელი უფლებამოსილია დააკისროს შემსყიდველს პირგასამტეხლო, მიმწოდებლისათვის ჩასარიცხი თანხის 0,02%-ის ოდენობით, ყოველ ვადაგადაცილებულ დღეზე.

8.7 საჯარიმო სანქციების გადახდა არ ათავისუფლებს ხელშეკრულების მხარეებს ძირითადი ვალდებულებების შესრულებისაგან.

9. ხელშეკრულების შეწყვეტა

9.1 ხელშეკრულების დამდები ერთ-ერთი მხარის მიერ ხელშეკრულების პირობების შეუსრულებლობის ან არაჯეროვნად შესრულების შემთხვევაში, მეორე მხარეს შეუძლია მიიღოს გადაწყვეტილება ხელშეკრულების სრული ან მისი ცალკეული პირობის მოქმედების ცალმხრივად შეწყვეტის შესახებ.

9.2 ხელშეკრულების დამდები მხარე, რომელიც მიიღებს ასეთ გადაწყვეტილებას, ვალდებულია შეატყობინოს მეორე მხარეს მიღებული გადაწყვეტილება, მისი მიღების საფუძველი და ამოქმედების თარიღი.

9.3 ხელშეკრულების შეწყვეტისას მხარეს შეუძლია მოითხოვოს ზიანის ანაზღაურება, რომელიც მას მიაღდა მეორე მხარის მიერ ხელშეკრულებით ნაკისრი ვალდებულების შეუსრულებლობით.

9.4 ხელშეკრულების ცალკეული პირობების მოქმედების შეწყვეტა არ ათავისუფლებს მხარეებს დანარჩენი ვალდებულებების შესრულებისაგან.

9.5 შემსყიდველს უფლება აქვს მიიღოს გადაწყვეტილება ხელშეკრულების ცალმხრივად შეწყვეტის შესახებ, მათ შორის შემდეგ შემთხვევებში:

ა) მიმწოდებლის მიერ ხელშეკრულებით ნაკისრი ვალდებულებების შესრულების ვადის 5 კალენდარულ დღეზე მეტი ვადით გადაცილების შემთხვევაში;

ბ) თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;

გ) საქართველოს კანონმდებლობით გათვალისწინებულ სხვა შემთხვევებში, მათ შორის მიმწოდებლის მიერ ხელშეკრულებით ნაკისრი ვალდებულების ნებისმიერი ისეთი დარღვევის დროს, რაც შეუძლებელს ხდის ნორმალური სახელშეკრულებო ურთიერთობის გაგრძელებას, ან იწვევს შემსყიდველის ინტერესის დაკარგვას სახელშეკრულებო ურთიერთობის გაგრძელებისადმი.

9.6 ამ მუხლის 9.5 პუნქტში მითითებულ შემთხვევებში, შემსყიდველი ვალდებულია აუნაზღაუროს მიმწოდებელს ფაქტიურად მიწოდებული საქონლის ღირებულება.

10. ფორს-მაჟორი

10.1 ფორს-მაჟორი - სტიქიური მოვლენები, გაფიცვები, საბოტაჟი ან სხვა საწარმოო არეულობა, სამოქალაქო მღელვარება, ომი, ბლოკადა, აჯანყება, მიწისძვრა, მეწყერების ჩამოწოლა, ეპიდემია, წყალდიდობა და სხვა მსგავსი მოვლენები, რომელიც არ ექვემდებარება მხარეთა კონტროლს და რომელთა თავიდან აცილებაც მათ მიერ შეუძლებელია. ფორს-მაჟორად არ ითვლება მიმწოდებლის ფინანსური მდგომარეობის გაუარესება, თუ ეს ჩამოთვლილ მოვლენებთან არ არის დაკავშირებული. ამ დროს მხარეებს შორის ხელშეკრულების შესაბამისად გადასახდელ თანხაზე ფორს-მაჟორის შემთხვევაში გათვალისწინებული შეღავათები არ ვრცელდება.

10.2 ხელშეკრულების პირობების ან რომელიმე მათგანის მოქმედების შეჩერება ფორს-მაჟორული გარემოებების დადგომის გამო არ იქნება განხილული, როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციების გამოყენებას და მიმწოდებლისათვის ხელშეკრულების შესრულების გარანტიის დაუბრუნებლობას.

10.3 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობის და შესაძლებლობის მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებების ზეგავლენისაგან.

10.4 იმ შემთხვევაში თუ ფორს-მაჟორული გარემოებების დადგომის გამო, იცვლება ხელშეკრულებით გათვალისწინებული რომელიმე პირობა, აღნიშნული ცვლილება უნდა გაფორმდეს მხარეთა წერილობითი შეთანხმების სახით.

11. ხელშეკრულებაში ცვლილებების შეტანა

11.1 თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია შეატყობინოს მეორე მხარეს შესაბამისი ინფორმაცია. ამავე დროს შემსყიდველი არ არის ვალდებული წარუდგინოს მიმწოდებელს რაიმე მტკიცებულებანი იმ გარემოებებთან დაკავშირებით, რომლების გამოც წარმოიშვა ხელშეკრულების პირობების შეცვლის აუცილებლობა.

11.2 ხელშეკრულების პირობების ნებისმიერი ცვლილება (მათ შორის მხარეთა შეთანხმებით ხელშეკრულების შეწყვეტა) უნდა გაფორმდეს წერილობით - მხარეთა შეთანხმების სახით და დანართის სახით უნდა დაერთოს ხელშეკრულებას. მხარეთა წერილობითი შეთანხმება ცვლილების თაობაზე, ჩაითვლება ხელშეკრულების განუყოფელ ნაწილად.

12. ღირებულება

12.1 მხარეთა შეთანხმებით დასაშვებია ხელშეკრულების საერთო ღირებულების შეცვლა.

12.2 ხელშეკრულების ღირებულებითი პარამეტრების (ერთეულის ფასის) შეცვლა დაუშვებელია, გარდა საქართველოს სამოქალაქო კოდექსის 398-ე მუხლით დადგენილი შემთხვევებისა.

12.3 საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში, დაუშვებელია სახელმწიფო შესყიდვის შესახებ ხელშეკრულების ჯამური ღირებულების 10%-ზე მეტი ოდენობით გაზრდა.

12.4 ხელშეკრულების ღირებულების შეცვლა ფორმდება მხარეთა წერილობითი შეთანხმების სახით.

13. ურთიერთობა ხელშეკრულების დამდებ მხარეებს შორის

13.1 ნებისმიერი ოფიციალური ურთიერთობა (გარდა დავალებისა, რომელშიც მითითებული იქნება ინფორმაცია ღონისძიების ჩატარების ადგილის, ვადის და გასაწევი მომსახურების შესახებ) ხელშეკრულების დამდებ მხარეებს შორის უნდა ატარებდეს წერილობით ფორმას. წერილობითი შეტყობინება, რომელსაც ერთი მხარე ხელშეკრულების შესაბამისად უგზავნის მეორე მხარეს, იგზავნება საფოსტო გზავნილის სახით. ოპერატიული კავშირის დამყარების მიზნით დასაშვებია შეტყობინების მეორე მხარისათვის მიწოდება ტელეფონის, ელექტრონული ფოსტის ან ფაქსის გაგზავნის გზით იმ პირობით, რომ შეტყობინების ორიგინალი შემდგომში წარედგინება მეორე მხარეს უშუალოდ ან ხელშეკრულებაში მითითებულ მისამართზე საფოსტო გზავნილის გაგზავნის მეშვეობით.

13.2 ტელეფონით, ელექტრონული ფოსტით ან/და ფაქსით ურთიერთობისათვის გამოყენებულ იქნება:

ა) მიმწოდებლის შემდეგი რეკვიზიტები: ტელეფონის ნომერი ----- საკონტ. პირი ბ/ქ-ნი -----, ელექტრონული ფოსტა: -----;

ბ) შემსყიდველის შემდეგი რეკვიზიტები: ტელეფონის ნომერი -----; საკონტ. პირი ბ-ნი -----.

13.3 ხელშეკრულებაში მონაწილე ორივე მხარე ვალდებულია, ხელშეკრულების მოქმედების პერიოდში საკონტაქტო პირ(ებ)ის ან ინფორმაციის ცვლილება წერილობითი სახით აცნობოს მეორე მხარეს.

13.4 შეტყობინება შედის ძალაში ადრესატის მიერ მისი მიღების დღეს.

14. სადაო საკითხების გადაწყვეტა

14.1 ხელშეკრულების დამდები მხარეები თანხმდებიან მასზე, რომ ხელშეკრულების ან მასთან დაკავშირებული საკითხების ორგვლივ მათ შორის წარმოქმნილი ნებისმიერი დავა შესაძლებელია გადაწყდეს მხარეთა შეთანხმებით, ხოლო ასეთის მიუღწევლობის შემთხვევაში, დავა გადაწყდება მოქმედი კანონმდებლობის შესაბამისად საქართველოს სასამართლოს მიერ.

14.2 ზიანის ანაზღაურებასთან დაკავშირებით, გამოიყენება საქართველოს სამოქალაქო კოდექსის შესაბამისი მუხლები.

14.3 ხელშეკრულება დადებულია საქართველოს კანონმდებლობის შესაბამისად და ინტერპრეტირებული იქნება საქართველოს კანონმდებლობის მიხედვით.

15. სხვა პირობები

15.1 ამ ხელშეკრულებით გაუთვალისწინებელი პირობები რეგულირდება საქართველოს კანონმდებლობით.

15.2 ხელშეკრულება შედგენილია ქართულ ენაზე, ოთხ ეგზემპლარად, რომელთაგან თითოეულს აქვს თანაბარი იურიდიული ძალა და ინახება ხელმოწერ მხარეებთან (ერთი პირი მიმწოდებელთან და სამი პირი შემსყიდველთან). ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

15.3. წინამდებარე ხელშეკრულების ნებისმიერი ცვლილება ან დამატება ძალაშია მხოლოდ მას შემდეგ, რაც იგი წერილობითი ფორმითაა შედგენილი და ხელმოწერილი მხარეთა მიერ.

15.4 „ხელშეკრულების“ მუხლ(ებ)ი, პუნქტ(ებ)ი დანომრილია და დასათაურებულია მხოლოდ მოხერხებულობისათვის და ამ ფაქტს „ხელშეკრულების“ ინტერპრეტაციისათვის მნიშვნელობა არ ენიჭება. მუხლ(ებ)ის, პუნქტ(ებ)ის ან/და ქვეპუნქტ(ებ)ის დასათაურებაში ან დანომვრაში ცდომილების/სხვაობის არსებობის შემთხვევაში, გამოიყენება ამავე მუხლ(ებ)ის, პუნქტ(ებ)ის ან/და ქვეპუნქტ(ებ)ის შესაბამისი შინაარსის მქონე მუხლ(ებ)ი, პუნქტ(ებ)ი ან/და ქვეპუნქტ(ებ)ი.

15.5 „ხელშეკრულების“ ტექსტში მექანიკური ან/და ტექნიკური შეცდომის ან/და ხარვეზის არსებობის შემთხვევაში „მხარეთა“ მიერ, აღნიშნული შეცდომა ან/და ხარვეზი განხილული და განმარტებული უნდა იყოს „ხელშეკრულების“ შესაბამისი წინადადების (წინადადებების) ან/და შინაარსიდან გამომდინარე. იმ შემთხვევაში, თუ აღნიშნული შეცდომა ან/და ხარვეზი არ შეესაბამება „ხელშეკრულების“ სათანადო წინადადებას/წინადადებებს ან შინაარსს, მას (ხარვეზი/შეცდომა) „ხელშეკრულების“ შინაარსის განმარტებასთან დაკავშირებით არ ექნება (არ მიენიჭება) რაიმე მნიშვნელობა.

16. მხარეთა იურიდიული რეკვიზიტები

შემსყიდველი:

მიმწოდებელი:
